

Dialog 1

<i>camarier:</i>	Allegra! Che vess Ella jent?
<i>duonna Rauch:</i>	Allegramaing! Eu n'ha üna said naira. Hmmm... Eu vess jent ün'aua minerala cun gas.
<i>camarier:</i>	Va bain ... Trais deciliters o ün mez liter?
<i>duonna Rauch</i>	Ün mez liter, per plaschair.
<i>camarier:</i>	D'accord! E che possa manar a tai?
<i>Fadri</i>	Ün sirup d'ampuas. (e sù per la mamma) Das-cha avair ün toc tuorta da tschiculatta?
<i>duonna Rauch:</i>	Schi, ma be ün pitschen.
<i>camarier:</i>	Stupend, ün pitschen toc tuorta da tschiculatta per tai. Co hast tū nom?
<i>Fadri</i>	Eu n'ha nom Fadri.
<i>camarier:</i>	Che bel nom! Es quai tuot o possa manar amo alch oter?
<i>duonna Rauch:</i>	Na, quai es tuot, grazcha fich!
<i>camarier:</i>	Jent. Ün pitschen mumaint!

Dialog 2

<i>camariera:</i>	Bun di. Che vessan Els jent?
<i>Gianna:</i>	Nus vain üna fom naira e vessan jent alch da mangiar. Das-chaina avair la carta dals menüs, per plaschair?
<i>camariera:</i>	Natüralmaing! Vessan Els jent alch da baiver ouravant?
<i>Gianna:</i>	Schi ... ün mez liter aua minerala, per plaschair!
<i>camariera:</i>	Cun o sainza gas?
<i>Gianna:</i>	Sainza.
<i>camariera:</i>	Jent ... ed El?
<i>Marc:</i>	Eu vess jent trais deciliters Coca-Cola.
<i>camariera:</i>	Va bain ... Uschigliö amo alch?
<i>Marc:</i>	Na, grazcha.
<i>Gianna:</i>	Eu neir, grazcha.
<i>camariera:</i>	Stupend, eu main güsta la carta! Be ün mumaint.
5 minuts plü tard	
<i>camariera:</i>	Han Els fingià decis?
<i>Gianna:</i>	Schi, eu vess jent il prüm üna pitschna salata verda e davo il tatsch cun chaschöl e mösa da maila.
<i>Marc:</i>	Ed eu vess jent üna schoppa da giuotta e lura ün cordon bleu cun pomfrits. Ils pomfrits sainza sal, per plaschair. Ma cun bler ketschup e majonesa.
<i>camariera:</i>	Perfet. Füß quai tuot?
<i>Gianna:</i>	Esa agl aint illa sosa da salata?
<i>camariera:</i>	Schi, ün zich.
<i>Gianna:</i>	Das-chessa in quel cas avair be ün pa öli ed aschaid?
<i>camariera:</i>	Schi, natüralmaing, ingün problem. Be ün mumaint, eu main güsta ils antepasts.

Dialog 3

A l'entrada:	
<i>camarier:</i>	Buna saira. Ha El reservà üna maisa?
<i>Curdin:</i>	Schi, eu n'ha reservà üna maisa per Tönduri. Nus eschan in trais.
<i>camarier</i>	Ah schi, quia, eu vez. Els pon güsta gnir cun mai, eu Tils accumpogn a Lur maisa.
<i>Curdin:</i>	Stupend, grazcha fich!
A la maisa:	
<i>camarier:</i>	Das-cha fingià manar alch da baiver?
<i>Luisa:</i>	Schi jent, nus vessan jent üna gronda butiglia aua minerala cun gas.
<i>camarier:</i>	Fich jent. Giavüschan Els amo alch oter ouravant? Forsa ün pitschen aperitiv?
<i>Luisa:</i>	Oh schi, jent. Che po El racumandar?
<i>camariera:</i>	Nus vessan ün fich bun vin alb dal Tirol dal Süd.
<i>Gianna:</i>	Hmmmm..., vin nun haja uschè jent. Han Els eir prosecco?
<i>camariera:</i>	Schi, natüralmaing.
<i>Gianna:</i>	Stupend, lura vess eu jent ün magöl prosecco cun ün pa glatsch.
<i>camariera:</i>	Jent, e per Els?
<i>Simona:</i>	Eu pigliess jent ün magöl dal vin alb.
<i>camariera:</i>	Quai es üna buna decisiun. Ella nu s'inrüclarà da Sia tscherna. Ed El, giavüscha'L eir ün aperitiv?
<i>Curdin:</i>	Na grazcha, eu stögl amo ir cul auto.
<i>camariera:</i>	Nus vain eir aperitivs sainza alcohol. O ün excellent sirup da savü da nossa chasa?
<i>Curdin:</i>	Na grazcha fich, eu stun bain uschè pel mumaint.
<i>camariera:</i>	Stupend! Be ün mumaint ...
10 minuts plü tard:	
<i>camarier:</i>	Han Els pudü tscherner?
<i>Luisa:</i>	Na, na amo dal tuot. Po El racumandar üna specialità da la chasa?
<i>camarier:</i>	Eu Tils poss racumandar nossa grigliada cun differentas charns da la regiun e bizocals. Quist trat füss güsta per trais persunas.

<i>Luisa:</i>	Che maniais? Eu vess cuaida da provar quai!
<i>Curdin:</i>	Eu sun da la partida.
<i>Gianna:</i>	Schi, s'inclegia eir eu. Forsa amo üna pitschna salata ouravant?
<i>camarier:</i>	Nus vessan üna bella rampunella garnida cun ün öv e panzetta.
<i>Luisa, Curdin, Gianna:</i>	<i>Tuots trais conferman:</i> Schi! / Stupend! / Quai es bun! / ...
<i>camarier:</i>	Perfet, eu n'ha notà Lur postaziun. Vessan Els jent amo ün pa vin? Nus vain ün fich bun vin cotschen talian chi s'affess bain culla charn. Dessa manar quel vin per insajar?
<i>Gianna:</i>	Schi, jent. Quai tuna bain.
<i>camarier:</i>	Ed amo ün'aua minerala? Cun o sainza gas?
<i>Curdin:</i>	Jent ün liter cun gas. E per mai amo ün magöl Coca-Cola.
<i>camarier:</i>	Jent. Be ün mumaint!

Dialog 4

<i>camarier:</i>	Chau! Che vessat vus jent?
<i>Curdin:</i>	Nus vessan jent alch dutsch, üna glatscha o ... vais eir tuortas? Nus vain dudi chi detta quia fich buns desserts.
<i>camarier:</i>	Quai fa plaschair da dudir. Nus vain differents desserts: üna tuorta da maila, cornets da tschiculatta ed ün stupend tiramisu. E nus vain üna gronda carta da glatscha. Eu tilla main subit.
<i>Sara:</i>	Eu pigl üna glatscha. E vus?
<i>Flurina</i>	Eir eu.
<i>Jan:</i>	Eu nu sa amo, eu stögl amo stübgjar.
<i>camarier:</i>	Quia es la carta. I dà uschigliö eir amo tuorta da nuschs, quella vaina adüna in nos sortimaint.
<i>Flurina:</i>	Eu pigl ün cup Danemarc cun blera gromma.
<i>Sara:</i>	Per mai duos cullas glatscha, üna da nitschoula ed üna da limun.
<i>camarier:</i>	Im displascha, ma glatscha da limun nu vaina plü. Possa manar ün'otra?
<i>Sara:</i>	Lura piglia amo üna culla glatscha da pistazia. Cun marenga, ma sainza gromma.
<i>Curdin:</i>	Eu pigl ün cornet da tschiculatta ed ün caffè cun lat.
<i>Jan:</i>	Per mai be üna Coca-Cola. Eu insai lura ün zich da tia glatscha. (<i>cun ün surrier sü per Flurina</i>)
<i>Flurina:</i>	(<i>disch cun ün surrier</i>) Eu nu sa lura, sch'eu part mia glatscha cun tai ...
<i>camarier:</i>	Grazcha fich per las postaziuns! Uschigliö amo alch? Alch da baiver per las giuvnas?
<i>Flurina:</i>	Na, tuot in uorden. Grazcha fich.
<i>camarier:</i>	Be ün mumaint, eu main güsta tuot.